

پاڅار ايرتسې

في ۲۰ شوال سنه ۱۳۳۸

وفي ۱۱ تشرين اول سنه ۱۳۳۶

جمعيت علميه اسلاميه نك ناشر افكاريدر

صاحب امتياز :

فاتح مجيز درسعاملرندن

استانبول مبعوث

مصطفى عاصم

سرمحرر :

فاتح مجيز درسعاملرندن

توقاد مبعوث

مصطفى صبري


مدیر مسئول :

مكتب قضاة معلملرندن

كليلی منير

مندرجات

ادبيات	ع . خيري	اون بئش، اون آتئ سنه اول يازلمش اثرلرمدن
شيخ سعدينك بر سرگذشتي	شرف الدين	يمينك سبب تشريري
تضمين	م . صفوت	تركياده يكي بر اثر ترقى
ملئتي سورم	ع . خيري	عظم زاده رفيق بكك شام شريفده ايراد ايلديكي نطقك ترجمه سي
بر تاريخ وفات		



نسخه سي ۱ غروشدرد

آبونه اجرتي (پوسته اجرتيله برابردر)

ممالك اجنبیه ایچون :

۶۰ ، ۲۰ فرانق

» ۱۰۰ ۳۰

استانبول وولایات ایچون :

بر سنه ليكي ۶۰ غروش

التی آيلنی ۳۰ »

درج اولئيمان اوراق اعاده ايدلمز

قارئلر مزه

۱ کثره مقالاته آیات کریمه واحادیث نبویه درج ایدلمش بولندینی نظراعتباره آلتهرق رعایتسزلکده بولنلمامسی رجاواننور .

در سعادت

محمود بك مطبعه سنده طبع اولنمشدر



پازار ایرتسی کونلری نشر اولنور دینی ، ادبی ، سیاسی وفنی هفته لقی غزته در .

احوال قدیمه نظر ایله ده تکشر ، ترکیب ایتمه سیله کنندی
حقننده واجب ، جائز ممتنع بولسان صفات ، احکام ،
امور ایله محدثاندن تمیزی واصل فعلک کنندسی اوزرینه
جائز و احداث عالم افعال جائزه سندن اولغله بوعالمک بر
محدثه احتیاجی پیغمبرلر کوندر مکه انلره اظهار معجزه
ایتدیره رک صادق اولدقلرینی تعریفه متعلق قدرتی میدان
چیقار چونکه بونلرک هر بریسی واقعدر ، اویله خیال
فلان دکل .

عقول بشرک قاریشه جنی شیارده ایشته بورا نریدر .
بوندن اوته سنه قاریشامن .

بناءً علیه صدق و صانع تعالی ایله مبدأ و معاد حقننده
سویلدیکی سوزلری رتبۀ بداهته قدر ارتقا ایدن بر
پیغمبردن بونلرک اوته سنی تاقی به باشلار .

بالاده بیان ایدلیدیکی وجهله فلسفه دن معدود علم
الهیاتک موضوعی هیچ بر شیهله مقید بولمیان مطلقا
موجود بولندیغندن و علومک بر برلرندن سچلمه لری

اون بش اون آلتی سنه اول یازلمش ازلرمدن :

« مقدمه »

یاخود

علوم نیه تدوین اولوب هر برینه مخصوص بر

اسم طاقیده شد ؟

مابعد

تقاز اینک سوزی مفید اولدیغندن بورایه شو وجهله
تقلی مناسب کورلشدر :

مقدمین علمای کلامک ، موضوعی موجوده مطلق
قیلشدری ، مباحث فنک موجوده رجوعدن ناشیدر ،
بورجوعده امام غزالی ک دیدیکی کبی شو وجهله در :

علم کلام اربابی اعم اشیا اولان موجوده نظر دقتله
باقارده او موجودی قدیم ایله محدثه ، محدثی جوهر ایله
عرضه ، عرضی ، علم ، قدرت کبی کنندسینده حیات
شرط اولان ایله لون طعم کبی حییات شرط اولمیان ،
جوهری حیوانه ، نباته ، جماده تقسیم بونلرده کی اختلافک
انواع واعراض ایله اولدیغنی بیان ایدر لر .

ایسه موضوعلرینک سچلملری ایله میدانله کلدیکندن کلامک موضوعی موجود مطلق دیان اعظم ، بویکی علم یکدیکنندن سچلسون دیه اوموضوعی قانون اسلام اوزره جاری مباحثه متعلق اولمق اعتباریله تقیدایدیورلرده علم کلام السیدن بیان آتی وجهله آریلیور :

علم کلامده احوال موضوعدن بحث قانون اسلام (دین ، وملت ، و کتاب سنت ، اجماع امتدن صورت قطعیه ده بیلنن قواعد ایله مسیحی بر طریق معهود) اوزره در : واحدک کثیری ایجادی ، میکک سادن نزولی ، و علمک عدم ایله مسبوقیتی ، وجوددن صکره فناسی ، قانون اسلام نقطه نظرندن ضرورتاً بیلنن بونلرک امثالی برطاقم قواعد کی .

بعض علما بوکا اشارت ایده رک دیورکه :

بوعلمده معتبر اولان شی کتاب ایله سننه تمکدر . (بو علمک مباحثی کتاب ایله سننه منتسب اوله رق بونلرک قواعدی اوزره جاری بولنقده در) چونکه عقائدک دینه انتسابی ترکیبنک معناسی بوندن عبارتدر .

بعضیلری دخی دیورکه :

قانون اسلام ایله مقصوده کتاب ، سنت اجماع ایله بونلرک هر اوچنه مخالف بولنن معقولدر ، که ایشته بونلر او قانونک اصواید . خلاصه : جمیع مباحثه قواعد شرعیه یرعايت لازمدر ، بوکا رعایتده اومعقولک قانون فلسفیه بناء عقول قاصره اربابی نظرینک مفتضاسی اوزره جاری بولنه رق شرعی قطعیه نک بریسنه بیلله مخالف اولمه سیله حاصلدر .

یوقسه مقصود ، جمیع مباحث کلامیه نک ، تحقیقه ملابس اسلامه منتسب بولنه رق نفس الامرده حق اولسی دکدر . اکر مقصود بو اولیدی اوزمان تعریف معتزله ، مجسمه ، خوارج ، دهسا بونلرک امثالی فرق ضاله نک کلاملرینه صادق اولمزدی .

بوتوجه به بناء قاضی عضدک بالاده کی ایکنجی اعتراضی

وارد اوله مدینگی کی [۴] برنجی اعتراضی دخی وارد دکدر .

چونکه نظر ، دلیل ، معدوم ، حال کیلر بونلرک مسائلی دکل ؛ بلکه نظر ایله مبادیسی و معدوم ایله حالده وجود مسئله نک لواحقندن بولنقله مقصودی - که وجود در - موضح ، متممدر . ایشته بونلردن بحث بونقطه نظرندر .

« سؤال »

اعاده معدوم ، استحاله تسلسل نفی هیولی کیلردن بوقنده بحث شبهه سز در که مسائلی بولنمق حسیه در .

« جواب »

بو مباحث احوال موجوده راجعدر ، بورجوعده شویله در :

اوموجودک بعدالعدم اعاده سی قایلیمیدر ؟ موجودات الی غیراله ایله زنجیرله کیدرمی ؟ جسم هیولی ایله صورتدنی مرکبدر ؟

هایدی بو (نظر ، دلیل ، معدوم ، حال) کیلرک مسائل کلامیه دن بولندینی تسلیم ایدلسه بیلله اوزمان دخی سؤالک ورودنده براز شبهه واردر .

اوت ! وارد اولوردی . بونلرک موضوعی موجود اولمق اعتباریله موجوددر دیدیکمز صورتده مقصودمز ، وجود خارجینی نظر دقتدن دوشر . مک شرطیله مشروط موجود خارجی اولیدی .

حالبوکه بویله دکدر ، بلکه مقصودیمز علی الاطلاق موجوددر :

[۴] عدم ورودک وجبی (مقاصد) ده یوقسه ده بنده علاوتاً شو صورتله بیان ایدیورم : قانون اسلامدن مقصود ، اومسائلک اسلامیه انتسابیله حقیقتدن عبارتدر بومسائل ایسه قواعد شرعی قطعیه به مخالف بولنمقجه انتساب ایله حقیقتدن قورتیله مز .

بناءً علیه فرق ضاله نک انتسابیله حقیقتی ادعا ایتدکاری سوزلرک کلامدن خروجی لازم کلز ، که علم کلامک ، علوم سائرده سچلمه سیله حکم اولنه بیلسون .

یمینک سبب آشریعی

و

ایکی مبدأ اخلاقی آره سنده منافشه

سیر طبیعی کائناتک برافاده نظریه سی اولان (قانون تکامل) که جهت عملیه سی ال اوافق ذره لردن ال بیوک کردله وارنجیه قدر بالجمله موجوداتک اقدامات متوالیه سی تشکیل ایدر .

اعصار ازلیه دنبرو پایانه رسیده اولیان بوترقی تدریجی اساساً سینه کائناده موجود اولقله بونده اوضاع بشریه نک تأثیری یوقدر . بلکه بشر واحوال بشر دخی بونک تحت تأثیرنده اوله رق برغیه تکامله طوغرو قطع مراحل ایلکده در .

ایشته بوقانونک اخلاقیاتده کی تظاهراتندن اوله رق برنجی دفعه بر حاکم قانونی طاینمغه باشلانیدینی زمانلر بین البشر سرزده ظهور اولان اختلافاتی حل وفصل ایچون آرتق بر حکم خود پرستانه دن قورتیلدینی و قتل بک بسیط اولان حیات بشری بر طاقم مشکلات اجتماعیه اوکنده بولندی !... چونکه طرفین حقوق مشروعه سی طاب ایدیور . هرایکی طرف کنیدیسنده برحق ، بر موجودیت اولدینگی ادرک ایدیور ایدی .

ایشته بشریت بونقطه ده بر اثر فعالیت کوستریبور ایدی .

هرکس بلکه هر شی یسنه بوقانوندن آلمش اولدینی صلاحیتله تکمل شخصیتی تأمینه جهد ایتکده اولدینندن ساحة حیاتده بر (یشامق حربی) ظهور ایلور و یاخود بونک بر حرب اجتماعی اولدینی آ کلاشیلور .

کل من فی الوجود یطلب صیداً

غیر ان الشبک مختلفات

بو اصطفا ی طبیعی آره سنده مظفر اولانلر محافظه

بو موجود مطلق ده ذهنی ، خارجی ، واجب ، ممکن ، جوهری عرض ، دها بونلرک امثالندن معممدر . بوصورنده نظر ایله دلیک وجود عینلری (وجود خارجیلری) معتبر دکسه ده مباحثی وجود عینک و کیرویه قالان معدوم ایله حال مباحثی دخی وجود ذهنک احوالندندر . اکثر متکلمین ایسه تصریح ایتدکاری وجهله وجود ذهنیه قائلدر .

شو تقرر ایدیور که :

هرکیم ، که وجود ذهنیه اینانیمور . کلامک موضوعه (معلوم) دیمه لیدرده اعتراضات مذ کورده دن یاقه سی صیرمغه باقلی در .

علامه نک سوزی بتدی . بنده دیرم ، که :

وجود ذهنیه اینانانلر دخی بالاده بیان اولدینگی وجهله اعتراضات مذ کورده دن یاقه لرینی قورتاریورلر سده تکلفله قورتاریورلر . چونکه اولر مقام جوابده نظر ایله دلیلی بونک مبادیسی ، معدوم ایله حال مباحثی دخی وجودک لوا حق صایبورلر . بناءً علیه بونک موضوعی (موجود مطلق) در دیوب ایشک ایچندن حقیقیورماید .

علامه بیله صاحب ، موافقه اعتراض ایچون بونلره آرقه حقیق ایستیورکن صبر ایده میورده بونکتهیه اشارت ادرک (وجود ذهنیه اینانیمان ، موضوع فن « معلوم » در دیملی) دیور (موافق) لده اکسیکنی تمامایور . بوراسی ده اهله کوره کیزی دکدر .

مابعدی وار

نصوح افندی زاده :

ع . ضیری

